

玄門

散花科

開經讚

琳琅振響 十方肅清 河海靜默
山嶽含煙 萬靈鎮伏 招集群仙
天無氛穢 地無妖塵 冥慧洞清
大量玄玄

唵
嘛
呢
嚧
嘿
吽
虛
鳴

大道洞玄虛
有念無不契
煉質入仙真
遂成金剛體
超度三界難
地獄五苦解
悉皈太上經
靜念稽首禮

大羅三清三寶天尊（三稱）

主白

三尊寶號 功德無邊 聞之者

五苦停酸 聽之者 三途罷對

再舉東宮之慈號 以開北府之幽扃

法眾運誠 稱揚聖號

太乙救苦天尊（三稱）

主白

白楊殘月照青邱 衰草亂雲埋肉骨 不
論無依有主 悉皆聞召以來臨 本壇焚
香上請

神虎何喬二大元帥 三部追魂使者 冥
陽五道將軍 倒生玄司 七真玉女 桓劉
吳魯四大將軍 火急普召 三途九野
六道四生 一切幽魂滯魄 願承三寶力
出離九幽局 法衆慈悲 恭行攝召

玄門攝召真科

衆和

揚旛初攝召
太微回黃旗

無英命靈旛
攝召長夜苦

開度受生魂
往生神仙界

衆和

靈旛飄蕩本無風
風動旛飛恍惚中
旛本無風魂自赴
魂隨旛引上南宮

揚旛再攝召 遷神超北府
飛鳥上南宮 符命通溟漠
靈旛揚曉風 往生神仙界

衆和

參來始覺從前妄
悟去方知徹底空
要識靈旛端的處
靈旛便是引魂童

揚旛三攝召 大道洞玄虛
鬱丹降神霄 黃旛英靈府
陰陽氣象高 往生神仙界

(送行功德)

朝牌位

先靈受薦 萬惡潛消 西方法界
任逍遙 寶地湧金橋 九品齊超
覺地彩雲飄

朝禮

登仙界天尊大天尊

散花科

小讚

香花品供 上獻慈尊 願隨
雲旆下遙聞 俯鑒慟哀誠
拔薦靈魂 得度早超昇

主舉

度人無量天尊

主白

伏以說法談玄乃天垂寶蓋
宣讚吟偈而地湧金蓮以今
修建青玄資薦度亡功德普
福修齋應 ×府散花 演經散花
功德謹運真香虔誠上啟 功德之期

無量度人天尊至真列聖應
化救苦一切上聖高真伏望
駕九頭之獅子放百寶之祥
光端坐淨空證明功德再申
召請當齋正薦
來壇受渡衆 正魂
並及列門堂上歷代宗親三
魂如在七魄儼然凝神自在

靜聽良音

主吟（早登仙界）

香花繚繞遍十方
閨苑奇花滿道場

二接

奉請尊靈來受度
金爐添炷返魂香

衆和

一炷返魂香逕通三界路惟
願大慈悲宣揚秘密語拔薦
靈魂出離三途苦人生百歲
如在夢中遊一旦無常歸何
處靈魂從此一去上南宮朝
禮無上虛皇祖無上願亡靈

上願亡靈早超昇

主吟（速抵仙鄉）

已明色相悟生前
渺渺靈魂聽召宣

二接

速赴經筵聞大道
永超苦海上諸天

衆和

再炷返魂香直透幽冥府惟
願大慈悲慈航施普渡超薦
亡魂脫卻輪迴步百年如夢
石火電光飛錦繡前程空羨
慕靈魂從此聞法上天堂三
界逍遙歸大道大道濟亡魂

得濟亡魂禮至尊

主吟（飛步南宮）

華表誰曾跨鶴歸
不知大道顯精微

二接

白楊枯草迷蒿里
腸斷春風叫子規

衆和

三炷返魂香縹緲通十殿惟
願大慈悲金科宣妙典超薦
亡靈接引登道岸光陰撚指
難保百年身識破浮生如夢
幻靈魂從此聞法步南宮頂
禮無上臨蓬島蓬島接靈魂

遠接靈魂朝玉京

主白

伏以金烏出沒玉兔昇沉但
知暑往寒來不覺星移斗轉
三春淑景方回九夏炎天又
至惟彼秋風吹敗葉更看蜡
雪映寒梅四時景物無差萬

事榮枯有數幾回桑田變滄
海幾回滄海變桑田錯裏不
知年少去暗中卻被老來催
世間好物不堅牢天上彩雲
容易散所以顏回壽夭早隨
東逝之休彭祖年高終作北
邙之客筆下文章似錦豪傑

多誇櫃中金玉如沙命終難
保吹簫引鳳空嗟弄玉之悲
擲果盈車漫說潘安之貌長
江後浪推前浪浮世新人趲
舊人總饒玉女西施也埋香
骨堪是盧醫扁鵲斷葬荒郊
但觀清世界難免這無常自

古迄今來千去萬亡魂遠去
莫知所向之方骨肉情深難
覩消沉之面今日六親俱
在百客皆臨遂分生死之途
永隔陽關之界法衆虔誠稱
揚寶號
騫林說法天尊

主白

仰白亡靈人情似水世事如
花識破浮生黃梁一夢萬事
到頭都是幻人生何處問浮
漚以今奏為奉道冥陽追薦
度亡上昇法事一壇以今日
漸西移闕燈散花接引真言

同會宣揚

衆和

東極宮中救苦慈尊十方化
號為救苦百億光中顯慈容
弘誓願力深幽陽界超出苦
衆生盡離幽暗泉曲府永緒
長生免沉淪得入天堂中魂

自在逕往朱陵宮三代宗親
承攝召一脈先靈早超昇普
度亡過靈魂生仙界太乙救
苦尊惟願今宵來赴會引靈
魂往上上往南宮

主白

白雲捧日空中現

青鳥啣書海上來

二接

超出靈魂歸大道
承功領果上瑤台

衆和

花富貴是牡丹桃紅柳綠白
青黃海棠鶴頂梨花發燈

盞梧桐雞爪蘭

花貌好石榴紅紫薇翡翠錦
屏風芙蓉孔雀鳳凰媚玫

瑰薔薇月桂濃

花好友並頭蓮雞冠金雀色
新鮮辛夷較剪七姊妹宜
男石竹西番蓮

花可愛是山茶瑞香黃菊與
狗牙玉簪芍藥水仙種菜
莉素馨白蓮花

花秀麗是櫻桃蛺蝶木樨水
蕉高百日紅兮藏指甲剪
春羅綺色更豪

君不見好年華時來枝上好

開花可憐風雨經過後處
處遊人嘆落花

落者落飛者飛有懷自是不
勝悲隨風逐浪水流去更
有貼牆沒地泥

白者白紅者紅紅紅白白笑
春風風風雨雨來何急識

破方知色是空

主吟

人生世事與花同
死生開謝雨和風

二接

一自春風收拾去
生寄死歸也是空

主白

伏以大道普度靈魂雖云九
幽路遠難追已往之魂天尊
垂慈能薦不還之魄慈恩浩
蕩幽谷沾春孽緣牽累於三
途法雨遍滋於六道爰申資
薦花散騫林仰仗經功代申

懺悔即解熱惱之羈頓入清
涼之境刹那圓明同登道岸
法衆虔誠次第宣揚
嘆人生富比王侯住雕梁樂
自由家舍田園誰肯休美味
共珍饅錦衣羅繡天地輪迴
誰肯走何須究何須究一旦

無常萬事休

衆和

春明花媚鳥聲幽
紅白芬芳陌上頭
郊外遊人須盡醉
閨中少婦那知愁
一旦無常萬事休

每逢佳景樂事稠
亦有愁煩苦更慙
世事到頭都是幻
功名富貴水中漚
一旦無常萬事休
夏景荷花十里遊
涼亭水閣倍清幽

棋敲竹裡消長晝
溪上歌聲蕩遠舟
一旦無常萬事休
貴介幾多終歲月
寒儒不遂少年憂
但得覺來都是夢
人生同是一蜉蝣

一曰無常萬事休
秋風桂子飄香候
玉兔當空月照樓
世上功名先已定
宗親德業復何求
一曰無常萬事休
勞心勞力為誰謀

父母妻兒轉眼休
縱得脫青更換紫
也須白了少年頭
一旦無常萬事休
冬天風雪滿山坵
多少歡娛多少愁
貧苦饑寒兒女泣

紅爐羔酒笑言稠

一旦無常萬事休

長江漁父渾難度

叫乞孤兒何處收

天道循環皆有數

人生何必怨招尤

一旦無常萬事休

主白

雙雙童子雲端坐
散出天花爛熳香
紅紫青黃春富貴
幾枝淺淡漢宮妝
拈來朵朵瓊英秀
散去飛飛羽彩裳

國色奇花月中落
紛紛天雨靄華堂

衆和

人比春花好 鮮妍亘古今
花謝又重開 嘆人生再
不來

花月兩相酌 花發在枝頭

月滿照空樓
嘆人生去
不留

紅綠點翠微
看花人已悲

空向靈前飛
嘆人生去
不歸

血淚洒靈前
斷腸三月天
月滿花又鮮
嘆人生不

長圓

花月痛相關

花飛總帳寒

月照麻衣單
嘆人生不

久看

色相果然空

花殘今又紅

笑語夢魂中
嘆人生不

再逢

花卸落東籬 今又綻高枝
還似去年時 嘆人生永
別離

紅紫列成霞 曾見花萌芽
不看鬥春華 嘆人生不
如花

花前月下逢 看花說月濃

花月影重重嘆人生去
無踪

花月尚依然 月前花色鮮

花下月輪圓嘆人生不

長年

莫向花前看 曾共花盤桓
今花露未乾嘆人生去

不還

主舉

妙色金花天尊

主白

春來無日不飛花
夏日炎天景物華
秋葉落兮花色罷

冬天惟羨一梅花
花開花落常今古
花淡花濃似彩霞
花任詩人敲妙句
花憑風送上仙家

主吟

此花不比衆花同

能青能綠又能紅

二接

紅花散去消災障
綠花散去福崢嶸

衆和

春來日暖又花朝
百卉爭妍色更饒

燕子歸巢雛與語
空教啼淚似春潮
春來九十老風光
鶯老花殘景物荒
杜鵑啼血驚夜半
觸人離恨斷愁腸
春來寒食近清明

御火新頒出帝京
寂寞泉台人未醒
暮雲愁鎖雨初晴
春來無幾又云歸
蛺蝶翩翩任意飛
薄命桃花隨水逝
空房獨自掩雙扉

夏來柳絮落堤邊
花滿園林月滿川
梅子黃時花已盡
淒淒風雨淚涓涓
夏來日永杏花香
爭豔菱荷似六郎
沼上鴛鴦雙比翼

教人寧不斷肝腸
夏來午日鬥龍舟
榴火如焚今古愁
縱有五絲能續命
千聲叫盡不回頭
夏來盛暑雨滂沱
滿架葡萄結子多

無限傷心言不得
這般離恨怎消磨
秋來氣爽晚風涼
七夕橋邊事渺茫
牛女一年還一會
人生一去不還鄉
秋來月朗在中天

香散蟾宮桂蕊鮮
記得去年同慶月
今年只見月圓圓
秋來籬菊綻金黃
風送花香月滿廊
三徑蕭條誰送酒
教人寧不倍淒涼

秋來霞彩映江飛
鴻雁雙雙度夕暉
紅樹白雲增感慨
淒涼孤影露沾衣
冬來寒雀又加巢
烈烈飄飄繞樹梢
六管飛灰添弱線

夜台寂寂有誰教
冬來瑞雪滿天飛
霜月淒淒意覺悲
永夜只憐鴛被冷
相逢多在夢中歸
冬來雲物總蒼茫
古木高風北雁鄉

月暗人家渾不見
淒涼空對一庭霜
冬來梅萼報春風
爆竹聲聲送歲寒
渺渺靈魂何處覓
黃泉有路不相逢
花逢春景牡丹開

花發炎天蓮茂台
花遇三秋敷嫩菊
花開殘蜡綻黃梅

主吟

花分四序爭榮謝
花任詩人巧剪裁

二接

花在盤中猶未散
花憑羽衆散將來

衆和

散一朶是水仙馥郁黃花獻
靈前紙灰飛作白蛺蝶
血淚染成紅杜鵑

散一朶狀元紅識得浮生總

是空錢財寶貝如山積
死後何曾在手中

散一朶金海棠百味珍饈列
兩旁靈前羅列般般有
那見亡人親口嘗

散一朶風入松悲聲吹入華
堂中只道壽年常汝賜

今朝一去永無踪

散一朶是綉球夕陽西下水
東流金銀珠寶持不去
只得山頭土一坵

散一朶是垂楊陰魂渺渺在
何方鷓鴣林裏悲啼哭
不淒涼處也淒涼

散一朶是雪梨正是離愁嘆
別離愁人莫向梨花坐
看見梨花愁更悲

散一朶是金錢金錢難買命
長延有錢買得人間壽
富貴之人萬萬年
散一朶是芙蓉此花非白又

非紅法語聲聲齊讚詠
資薦亡者上南宮

散一朶菊花新愁眉不展對
芳辰蛺蝶紛紛花下過
不見花前月下人

散一朶是紫荊人生好似水
浮萍一陣狂風來打散

東西南北任飄零

主白

騫林下散奇花
奇花今散去
亡者往仙家

解結解結解冤結
存日有罪
都解脫
惟憑至尊大慈悲
猶如赤日消冰雪
以今奉為亡

靈哀求懺悔冤冤似海無始
以來相累連今宵幸對亡靈
前一切冤家都消滅

衆和

解結解結解冤結
債主冤家從此滅
生生世世不相逢

萬罪千愆永消滅
解結解結解冤結
是我至尊親口說
大捨慈悲度有緣
刀山劍樹都摧折
解結解結解冤結
萬罪千愆從此滅

鑊湯爐炭化涼山
門外三車為汝說
解結解結解冤結
蓬萊今日名香爇
火坑化作昇仙橋
轉滅輪迴度苦厄
解結解結解冤結

橫繫官非都消滅
公案從此一筆勾
無罪無障超縲綫
解結解結解冤結
惟願亡靈罪消滅
今生前世有冤仇
隨此經功盡斷絕

大慈尊 大慈尊

朝禮

解冤釋結大慈尊

主白

向來散花解結功德并已週
完薦度亡靈往生仙界
伏以天上人間方便第一靈

前几畔演教為先其花亦不
從天降其色也不在地生一
片紅兮一片青人間難得半
枝紫兮半枝白天上奇花拈
來似蘭麝馨香散去如鸞飛
鳳舞莫逞金錢石菊休誇孔
雀牡丹三朶兩朶光輝十枝

五枝燦爛風不飄兮異香馥
郁雨不沾兮顏色鮮豔豈同
凡木之栽培必是仙家之景
緻從前罕遇自古未聞不因
天上敷揚安得這般供儀是
夜偈吟仙範花散騫林薦亡
者以超昇保現存而獲慶散

一散羽衆齊聲同讚嘆吹一
吹花台仙女盡高飛今宵演
教功德圓滿亡魂穩步上天
梯伏願花落花開即是桃源
之境無相無結願為蓬島之
仙稽首皈依無極大道志心
稱念

解冤釋結天尊

衆和

罪名消北府
生籍註南宮
現存皆快樂
已往早超生

主吟

一柱真香本自然
黃庭爐內起祥煙

二接

空中結就祥雲篆
上聖高真护法筵

小讚

散花功德 解結消愆 前
生今世孽和冤 洗滌化雲
烟 皈叩聖前 道法廣無
邊

解冤釋結天尊大天尊

度灵解冤拔罪仙经

《太上道君說解冤拔罪妙經》

爾時

太上道君。與諸聖衆。在八騫林下。七寶臺中。羅列威儀。敷陳道要。怡神默坐於玉京山。放七寶光明。照福堂地獄。見福堂之內。男女善人。快樂無為。逍遙自在。復見諸地獄之中。餓鬼窮魂。以日繼夜。受種種苦惱。悉無人形。五體壞爛。飢飡^餐猛火。渴飲鎔銅。

足履^你刀山。身負鐵杖。遍體流血。悲號徹天。
是時會中。有一真人。名曰廣信。從座而起。
稽首前進。上白道君曰。不審此輩窮魂。生
有何咎。而受茲苦。道君曰。受諸罪者。在世
之時。不敬三光。欺負神理。十惡五逆。不忠
不仁。不慈不孝。毀傷物命。殺害衆生。福盡
壽終。當受斯苦。是時廣信真人曰。心生哀
憫。欲其濟拔。幸望妙力威光。許令開度。伏

蒙道君。垂賜金言。廣設法要。為諸衆生。演
說是經。名曰解冤拔罪。流佈於世。利益存
亡。若有善男子善女人。一心專志。入靜持
齋。焚香行道。六時轉念是經。吾當隨願保
佑其人。使宿世冤讐仇。乘福超度。幽魂苦爽。
各獲超昇。真人廣信。歡喜再拜。覩羅溜縷勝因。
而作頌曰。

偉哉大道君 常普無量光

舟楫^摺生死海 濟度超羅酆

罪對不復遇 福報與冥通

用人安可測 讚之焉能窮

是時廣信真人。與諸聖衆。聞法將畢。各各稽首皈依。信受奉行。

《太上道君說解冤拔罪妙經終》

《太上洞玄靈寶救苦拔罪妙經》

爾時

救苦天尊。徧滿十方界。常以威神力。救拔
諸衆生。得離於迷途。衆生不知覺。如盲見
日月。我本太無中。拔離無邊際。慶雲開生
門。祥煙塞死戶。初發玄元始。以通祥感機。
救一切罪。度一切厄。渺渺超仙源。蕩蕩自
然清。皆成大道力。以伏諸魔精。空中何灼

灼。名曰泥丸仙。紫雲覆黃老。浮是名三寶君。
還將上天炁。以制九天魂。救苦諸妙神。善
見救苦時。天上混無分。天炁歸一身。皆成
自然神。自然有別體。本在空洞中。空洞跡
非跡。徧體皆虛空。第一委炁立。第二順炁
生。第三成萬法。第四生光明。天上三十六。
地下三十六。太玄無邊際。妙哉大洞經。皈
命太上尊。能消一切罪。

東方玉寶皇上天尊
南方玄真萬福天尊
西方太妙至極天尊
北方玄上玉晨天尊
東北方度仙上聖天尊
東南方好生度命天尊
西南方太靈虛皇天尊
西北方無量太華天尊
上方玉虛明皇天尊
下方真皇洞神天尊

道言十方諸天尊。其數如沙塵。化形十方界。
普濟度天人。委炁聚功德。同聲救罪魂。罪
魂實可哀。我今說妙經。帝念誦無休息。歸身
不暫停。天堂享大福。地獄無苦聲。火翳成
清署。劔劍樹化騫林。上登朱陵府。下入開光
門。超度三界難。逕上元始天。於是飛天神
王。無鞅數衆。瞻仰尊顏。而作頌曰。

天尊說經教 接引於浮生
勤修學無為 悟真道自成
不迷亦不荒 無我亦無名

朗詠罪福句 萬遍心垢清救

爾時飛天神王。及諸天仙衆。說是頌畢。稽
首天尊。奉辭而退。

《太上洞玄靈寶救苦拔罪妙經終》

《元始天尊說生天得道真經》

爾時

元始天尊。在大羅天上。玉京山中。為諸天
仙衆說此生天得道真經。告諸仙曰。吾今為
汝。略啓身心。明宣道要。十方得道神仙。皆
從此經修行。而通微奧。善男子。善女人。依
憑齋戒。作是津梁。一切有為。顯持真路。體
此法相。乃可受持。能屏衆緣。永除染著。外

相不入。內相不出。於正念中。乃得五臟清涼。六腑調泰。三百六十骨節之間。有諸滯礙。十惡之業。百八十煩惱之業。衆苦罪源。悉皆除蕩。即引太和真炁。注潤身田。五臟六腑。心目內觀。真炁所有。清淨光明。虛白朗耀。杳杳冥冥。妙內外無事。昏昏默默。昏正達無為。古今常存。總持靜念。從茲解悟。道力資扶。法藥相助。形仍節飲食。驅遣鬼使。安寂

六根。靜照八識。空其五蘊。證妙三元。得道成眞。自然昇度。爾時諸天仙衆。上白天尊言。自從無始以來。至於今日。未聞如是大乘經典。我等緣茲幸會。廣及一切。道果圓明。而說偈曰。

杳杳冥冥清靜道

昏昏昏默默太虛蹤

體性湛然無所住

色心都寂一眞宗

《元始天尊說生天得道眞經終》

玄門幽科

開經玄蘊咒

雲篆太虛 浩劫之初 乍遐乍邇 或沉或浮
五方徘徊 一丈之餘 天真皇人 按筆乃書
以演洞章 次書靈符 元始降下 真文誕敷
昭昭其有 冥冥其無
沉疴能自痊 塵勞溺可扶
幽冥將有賴 由是昇仙都

太乙救苦天尊

種種無名是苦根 苦根除盡善根存
但憑慧劍威神力 跳出沉淪五苦門
道以無心度有情 一切方便是修真
若歸聖智圓通地 便是昇天得道人

遊魂嘆

悲傷嘆遊魂，傷心悲隻影，既欠親人日相處，更悲失卻舊人，枉作相思，日日不相見，真真想見，天天想見，偏偏不見，孤獨無言心中多掛牽，此際斷腸，往日情不堪見。

呂祖救劫証道經咒

天微章第一

稽首皈天主元和遍十方大慈悲救苦難唵唎哪唎囉吽哆氤嘛娑訶
常有大神通亨達普昭靈大慈悲救苦難唵唎哪唎囉吽哆氤嘛娑訶
迭運歷今古普濟於群生大慈悲救苦難唵唎哪唎囉吽哆氤嘛娑訶
聖慧顯真宗清明永固持大慈悲救苦難唵唎哪唎囉吽哆氤嘛娑訶

地真章第二

稽首后土君黃閣面靈臺大慈悲救苦難唵唎哪唎囉吽都堵囉寔字娑訶
仰承太上力厚以為本根大慈悲救苦難唵唎哪唎囉吽都堵囉寔字娑訶
山河永奠固無洩亦無傾大慈悲救苦難唵唎哪唎囉吽都堵囉寔字娑訶
靜存而默鎮至德衛佺靈大慈悲救苦難唵唎哪唎囉吽都堵囉寔字娑訶

呂祖救劫証道經咒

證仙章第三

太虛仙之體稽首禮真師大慈悲救苦難唵哪哩吽蘇唎哆陀密娑訶
一乘開覺路黃房育嬰兒大慈悲救苦難唵哪哩吽蘇唎哆陀密娑訶
不為羞生死立志守恆河大慈悲救苦難唵哪哩吽蘇唎哆陀密娑訶
日月互其光天根萬劫磨大慈悲救苦難唵哪哩吽蘇唎哆陀密娑訶

體道章第四

自一分佞後太極合陰陽大慈悲救苦難唵哪哩吽蘇唎哆陀密娑訶
開天成地軸四時五行藏大慈悲救苦難唵哪哩吽蘇唎哆陀密娑訶
黍珠懸似月照徹八千場大慈悲救苦難唵哪哩吽蘇唎哆陀密娑訶
常以清淨心稽首禮法王大慈悲救苦難唵哪哩吽蘇唎哆陀密娑訶

高上玉皇本行經髓

道言昔

元始天尊在清微天中玉京金闕、七寶玄苑、玉皇宮殿
陞光明座與無鞅數眾、宣說靈寶清靜真一不二法門、
是時玉皇尊帝與諸真聖、清齋建節、侍在側焉於是玉
帝知時欲至、即於會前舉六通力、放大光明、徧照諸
天一切境界、皆大震動、十方無極俱同琉璃下燭下方
是諸世界、一切人天咸臻道氣、當是之時、酆都鐵圍
即時破壞、三惡道苦、一時解脫。

爾時

玉帝即分其身、徧散十方諸大天宮、自然化現白玉為京、黃金為闕、七寶玄苑、大光明殿、具光明座、幢節幡蓋、異寶奇花徧布是處。

爾時

玉帝即以所分其身、徧於是處、普為十方演說清淨解脫之道、說已即以神通、不動其所、移接天人皆令得至清微天中、玉清聖境、元始會下、是諸眾等不覺不知、普來集會、時諸大眾稽首瞻仰、玉帝化身、忽睹天尊勝會、踊躍歡喜、一時作禮歎未曾有。

爾時

高虛清明天主與諸天眷屬、御八景鸞輿、九光寶蓋、奏玄歌妙樂、詠無量洞章、散天寶花、噴天真香、飛

步遊空、來詣道前、稽首長跪白天尊言、賤臣懈怠後、會法筵、今日吉慶、建此法橋、幽顯凡聖、普霑聖澤、放大光明、現希有相、臣等千劫良因、九天運會、今日大吉、咸仰玄功、以偈讚上帝曰：

金闕玄穹主 高上玉皇尊 妙相冠諸天
慈光燭三界 眞聖妙道師 天人依仗師
大乘垂法語 眞一指迷途 功德若虛空
讚揚無窮盡

爾時

天尊告四眾云、是帝身即道身也、非常體也、汝等

親近是帝、生尊重心、注想尊容，稱揚名號，然後汝等咸蒙護度。

爾時

天地始祖五老上帝稽首長跪白天尊言、伏聞高上玉皇慈念蒼生、普放神光、照燭法界、六凡四聖、普叨道蔭、切以自昔元始、天地未分、日月未光、是生玉帝、故得二儀分判、三景發光、恭聞帝號、稱說難言、莫可尋詳、臣即命鑄金為簡、刻玉為章、實靈文之妙德、乃天地之玄根、惟願哀憫、使依玄科，按法以傳、於是天尊普告真聖云、今三天盪運、皇道氣暢、真道宜行、乃命五老上帝、與諸真聖、上詣太玄玉都、寒靈

丹殿紫微上官、洞陽玉館，披九光八色之韞、雲錦之囊，出靈寶金書、玉篆文曰

太上彌羅無上天 妙有玄真境 渺渺紫金闕 太微玉清宮 無極無上聖 廓落法光明 寂寂浩無宗 玄範總十方 湛寂真常道 恢漠大神通

玉皇大天尊 玄穹高上帝

是時五老上帝得是經已、還詣元始天尊前、諮以禁戒之儀、遜謝不逮、道言是帝號也、元始之妙言、玉皇之真誥、至真妙文、神應自然、乃知天真貴重、至聖上書、斯文隱秘、不得窺聞、有得之者、勤行修奉、

尅至神仙、於是玉虛上帝白天尊言、願為四眾、及未來世、持是經人說利益事。

爾時

天尊告玉虛上帝言、若有三界十方無量國土、或兵戈並起、疫氣大行、水旱蟲蝗、凶年飢饉、是其國君、當發慈悲、為其黎庶、徧請道流、清淨嚴潔為轉此經、當得國土清平、五穀豐熟、黎庶安泰、此經所在之處、常有十方至真侍衛供養、持是經人獲福無量、又若持是經人、造作長幡、書帝名號於其幡上、被諸風吹、所指方面、一切眾生皆霑勝利、又若持是經人、書帝名號、在一切有聲物上、或是道場、或以戲擊、或被

風觸、是聲出時、一切眾生聞是聲已、所有罪障、悉得清靜、何況受持、當知是人即是道藏功德身也。

爾時

天尊謂玉虛上帝言、今我略說未盡其妙、若廣說之、凡流邪見、疑惑不信、是經功德、窮劫難言。

爾時

玉虛上帝聞說是已、心生歡喜、瞻仰慈顏、稽首讚歎、而作頌曰

九天之上	謂之大羅	玉京金闕	雲層峨峨
中有天帝	仁慈惠和	至道無敵	降伏眾魔
天寶靈符	玉律金科	神仙億萬	幢幡眾多
聞者罪滅	永出愛河		

是時、玉虛上帝說是頌已、是諸天眾異口同音歎未曾有、於是天尊告四眾云、凡人持誦此經稱揚帝號者、皆道根深重、宿有善緣、此經尊妙、普度無窮、但精心恭奉、家國安寧、保命度災、掃諸不祥、能碎鐵圍山、竭苦海水、破大地獄、拔重罪苦、降暴惡魔、護諸國土、能除一切重病、能解一切惡毒、能離一切惡人、能滅一切惡獸、能摧一切邪道、一切諸天、皆令降伏、其餘功德說不可盡。

爾時

四眾聞說是已、歡喜踴躍、稽首敬禮而退。

破獄升天往生甘露施食神咒

茫茫艷都中 重重金剛山 靈寶无量光 洞照炎池煩
七祖諸幽魂 身隨香雲繙 定慧青蓮花 上生神永安
功德金色光 暉暉開閻幽 華池流真香 蓮蓋隨雲浮
千里重元和 常居十二樓 急宣靈寶旨 自在天堂遊
功歸九幽下 旋旋生紫虛 女青靈寶符 中山真帝書
一念昇太清 再念歸太无 寒庭多悲苦 迴心禮元皇
冷冷甘露滋 法味難思議 騫香流七真 冥冥何生疑
受此法食者 生天登紫微 福田高巍巍 供施令清淨
一切有爲事 普皆成代命 拔汝三塗苦 施汝九玄慶
臨當受食時 諸天皆讚詠 功德不思議 行者膺福報
施與法食者 永生安樂道

施甘露咒

悲夫長夜苦 熱惱三途中 猛火出咽喉 常生饑渴念
一洒甘露漿 熱惱得清涼 神魂生大羅 潤及於一切
二洒甘露漿 五臟悉和彰 咽喉久閉冷 得達悟真常
三洒甘露漿 濯體鍊真光 凝神皈太上 朝禮謁虛皇

混元劫一普度萬靈神咒

唵、元始生天、唵、元始生地、唵、元始生人、三才
備位、萬物紛紜、人不保生、化為陰神、神炁不全、
流為下鬼、唵、下鬼聞我玉音、鬼形即滅、舍彼鬼形、
生我天宅、唵、人道聞我玉音、頓捨人業、長生神仙、
與天地同壽、與日月合明、一身被福、七祖蒙榮、既
度七祖、身劫玉清、唵、天道聞我玉音、天福頓增、
宿業永盡、不墜下天、常居玉清、急急一如元始上帝
嚴勅、二教合一、唵、急急一如清淨法身毗盧遮那大
聖主勅

靈魂三皈依

稽首皈依真常道 玄恩溥造 大周沙界細鴻毛
咸賴鎔陶 懸黍米 駕法橋 接引塵囂 放慈光
施慧力 拔度幽牢 志心一念皈依道 從今不墮
冥曹

稽首皈依大乘經 玄奧非輕 龍章鳳篆理分明
功德難評 宣妙典 演真詮 早度迷津 啟金函
開玉軸 接引幽靈 志心一念皈依經 從今不墮
幽冥

稽首皈依大法師 妙理希夷 弘施法力度群迷
運用難窺 貫塵沙 彌六合 粒粟網維 洞玄虛
演清靜 萬法咸歸 志心一念皈依師 從今早悟
真如

太乙救苦天尊救苦讚

稽首皈依 救苦慈容 東華妙嚴宮 運廣慈心重 發弘誓
願 度脫凡朦 慈尊寶冠 九品蓮花 玉玲瓏 尋聲救苦
三途八難 杻械枷鎖 化作清風 楊枝手內 時時洒一滴
甘露在魂爽喉中 惟願今宵（時）來赴會 度幽靈上往
上往南宮

解冤咒

眾生多結冤 冤深難解結 一日結成冤 三世報不歇
我今傳妙法 解除諸冤業 聞誦志心聽 冤家自散滅

沐浴度魂咒

巍巍道德尊 功德已圓齊 降身來接引 師寶自提攜
慈悲洒法水 用以洗沉迷 永度三清岸 長辭五濁泥

五廚經

一炁和太和 得一道皆泰 和乃無一和 玄理同玄際
不以意思意 亦不求無思 意而無有意 是法如是持
莫將心緣心 還莫住絕緣 心在莫存心 真則守真淵
修理志離志 積修不符離 志而不修志 已業無已知
諸食炁結炁 非諸久定結 炁歸諸本炁 隨取當隨洩

超升頌

魂兮醒覺，經已空色相，自皈依仙佛，勿再悲怨，不
再病苦，上瑤池有慈航

魂兮醒覺，心已得寬暢，開心兼自在，沒有嗟怨，拋
卻疾苦，上蓬萊有橋樑

魂兮醒覺，早已得點化，滿腔皆喜悅，自覺舒暢，不
再留戀，上大羅有慈蓮

慈光接引天尊

罪名超北府 生籍註南宮 現存皆快樂
以往早超昇
登仙界天尊大天尊（三稱）

回鸞讚
（送聖）

爐煙馥郁 送聖還宮 溥垂惠澤滿寰中
幽顯沐恩隆 大闡玄風 恩留四海豐

朝禮

鸞輿返天尊大天尊（三稱）